



Publicaziuns dalla vischnaunca, jamna 53

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2015 – 2098.000

Renaldo Lutz, Via Luzzas 9, 7180 Disentis/Mustér; refatga dalla senda existenta als baghetgs, parcelas 2806 e 2914, Runfoppa Sut, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla supras-tonza communalala.

Disentis/Mustér, ils 28 da december 2015
Uffeci da baghegiar Disentis/Mustér

Cartas da viagiari dil di

Adattaziun dil prezi

Dapi 15 onns porscha la vischnaunca da Mustér la pusseivladad da retrer tier l'administraziun communalala cartas da viagiari dil di. Per mintga di digl onn stattan treis cartas a disposiziun cun las qualas ins sa viagiari cun quasi tut ils mieds da traffic publics en Svizra (p.ex. tren, auto da posta, tram, bastiment). Las cartas san vegnir retratgas al spurtegl dall'administraziun communalala sco era via internet (www.disentis.ch/downloads) ni per telefon (081 920 36 36). Las empustaziuns dallas cartas ein definitivadas. Cartas dil di empustadas san buca vegnir returnadas e ston vegnir pagadas.

Damai che las Viasfier federalas svizras han augmentau ils prezis, essan era nus sfurzai d'augmentar naven dils 1-1-2016 il prezi per las cartas dil di sin niev frs. 42.– per carta. Per tar-metter las cartas cun posta vegn sco entochen dacheu quintau frs. 5.–. Bien engraziament per Vossa capientscha e bien viadi.

Administraziun communalala

Cantar dils retgs 2016

Ils sogns Retgs dalla tschunavla e sisavla classa da Mustér semettan era uonn sin via per visitar ils habitonts dalla vischnaunca. Els speran d'astgar legrar e delectar biars cun lur viseta e cant. Il tur entscheivan els mintgamai allas 15.30. Ina part dil recav va en favur dalla renovaziun dalla baselgia claustrala da Mustér.

Venderdis, ils 1-1-2016

Gruppa 1: Cavardiras, Pardomat, Madernal, Faltscharidas, Sontget
Gruppa 2: Mompé-Tujetsch, Casa Nauscha, Buretsch, Cuoz, Sax, Acla da Fontauna
Gruppa 3: Mompé-Medel, Acletta, Funs, Funs-Dadò, Caschuarz

Sonda, ils 2-1-2016

Gruppa 1: Disla, Chischliun, Scaletta
Gruppa 2: Peisel, Segnas
Gruppa 3: Clavaniev, Latis, Cons-su
19:00 retgs contan duront messa a Segnas naven dallas 20:00 ellas ustrias dalla vischnaunca Mustér

Dumengia, ils 3-1-2016

11.00 retgs contan duront messa a Mompé-Medel
15.00 retgs contan ella Casa Puntreis



Gruppa 1: Via da Scola

Gruppa 2: Gonda, Via Sontga Gada

Gruppa 3: Cons-sut, Via da Scola

17.00 retgs contan en baselgia S.Gions durant la devoziun da Buania

18.30 retgs contan en baselgia da Nossadunna sin Claustra durant messa

Gliendisdis, ils 4-1-2016

Gruppa 1: Carcarola, Davos-Mustér, Via Sursilvana, Suls Orts, Via Cavardiras

Gruppa 2: S.Gions, Catins, Raveras, Giudem Cons,

Gruppa 3: Cuppa, Via Pervenda, Dulezi

19:00 retgs contan el vitget da vacanzas Reka
